



愛日精廬藏書志卷三

子部

儒家類

家語十卷

臨毛斧季先生校南北兩宋本

舊藏

魏王肅注前有肅序

家語八卷

八世祖明建寧守端巖公刊本

舊藏

明何孟春注前有自序并附錄孔衍王肅序後  
有正德辛巳莆陽黃鞏跋

新書十卷

二刊本

得之遵古堂書坊

漢賈誼撰前有淳熙辛丑南昌胡价序蓋從宋本翻雕者

法言注十三卷 抄本 從陳君子準藏何義門先生校本傳錄

漢楊雄撰晉李軌注法言十三篇篇各有序總附卷末子雲之舊第如此宋咸升之篇首殊失漢人著述體裁李本尙未淆亂可貴也是書隋書經籍志著錄近則絳雲樓述古堂俱經藏弃此本從何義門先生校世德堂本傳錄聞宋槧尙在世間未知異日能獲一見否後附義門跋

纂圖互注楊子法言十卷 元刊本 黃琴六夫子贈

漢楊雄撰晉李軌唐柳宗元注宋宋咸吳秘司馬光添注前有景祐三年宋咸序及四年進表元豐四年司馬光序

顏氏家訓七卷考證一卷 詩抄本 得之遵古堂書坊

北齊顏之推撰前有無名氏序考證後有結銜九行及淳熙七年嘉興沈揆跋

續顏氏家訓三卷 宋刊本 得之郡城顧氏

宋董正功撰郡齋讀書志曰續顏氏家訓八卷

皇朝董正功

文獻通考引作政公

撰續顏氏之書今存卷

五之八三卷自誠兵至終制凡七篇卷五闕一

二兩頁其書以顏氏家訓列前而正功所續者

繫其後敘次體例一依原書引據詳贍辭義宏

博視之推書如駿之靳矣原書崇尚內典是其

一失是書歸心篇載李翱之論佛終制篇載姚

崇之遺令深斥釋氏之妄顯闢崇奉之非亦足

以矯顏氏之失而解後人之惑也讀書敏求記

曰續顏氏家訓七卷半是宋槧本之絕佳者半

是影宋本舊鈔則遵王時已不獲見宋槧全書

矣此本止存三卷較遵王時又多殘闕然神物

會合要自有時安知述古藏本不更出於異日

耶且安知今所闕之宋槧五卷不尙在大壤間

耶姑識之以俟博訪

朱子成書

元刊本

郭小若姊夫贈

宋朱子撰元黃瑞節附錄黃虞稷明史藝文志

補曰黃瑞節字觀樂以薦授泰和州學正不赴

輯朱子太極圖通書正蒙西銘諸解及易啟蒙

家禮律呂新書皇極經世陰符經參同契注而以已所見為附錄此本凡太極圖說注通書注西銘注正蒙注律呂證辨家禮六種俱不分卷缺易啟蒙皇極經世陰符經參同契四種

至書一卷 明嘉靖刊本 得之四美堂書坊

宋蔡沈撰前有嘉定戊辰自序及嘉靖丁巳秦王重刻序是書宋史藝文志著錄至書者言乎理之極至者也遠取堯舜禹湯孔子曾子子思孟子之書近述周子程子張子朱子之論彙集

成編以闢佛老之所謂虛寂者是書也其為學之本歟

孔子集語三卷 影宋抄本 從陳君子準藏影宋本 傳錄

宋薛據撰前有淳祐丙午自序及中書省看詳所進孔子集語狀後附錢遵王跋

兵家類

何博士備論一卷 精抄本 述古堂藏書 得之遵 占堂專坊

宋何去非撰前有蘇軾薦去非充太學博士及進備論二十八篇奏狀二通原二十八篇此本

止二十六篇從陳君子準藏舊抄本補錄鄧禹  
論一篇

法家類

刑統賦解二卷

舊抄本  
黃氏

曹倦圃藏書

得之郡城

宋傅霖撰元郝秉原韻釋王亮增注前有延祐  
三年趙孟頫序

醫家類

靈樞經十二卷

元至元刊本

得之四美堂書坊

唐王冰僞托黃帝內經十八卷之九也目錄後

有至元己卯古林胡氏新刊一條卷一後又有  
至元庚辰菖節古林書堂印行兩行

甲乙經十二卷

舊抄本

得之四美堂書坊

晉皇甫謐撰後有熙寧二年四月二十三日准  
呈奉聖旨鑿板施行一條後列富弼趙抃等銜  
名末有題識云正統六年琴川永惠堂俞氏家  
藏

聖濟經十卷

明刊本卷七至十抄補  
書坊

得之四美堂

宋徽宗御撰辟雍學生昭武吳禔注前有徽宗

御製序政和八年頒聖濟經於天下學校令課  
試於聖濟經出題又從大司成李邦彥之請附  
內經道德經兼講見郡齋讀書志其書分十篇四十二  
章探天人之隕原性命之理明榮衛之清濁究  
七八之盛衰辨逆順鑒盈虛躋一世之民於仁  
壽之域用廣黃帝之傳嗚呼休哉直齋書錄解  
題郡齋讀書志文淵閣書目俱著錄近則久無  
傳本此本從四美堂殘書中搜得之闕卷七至  
十聞士禮居藏有舊抄足本介何君夢華假錄

四卷始為完書云

重校證活人書十八卷

影宋抄本坊

得之四美堂書

宋朱肱撰前有政和八年自序及青詞進表謝  
表謝啟各一通卷一論經絡卷二論切脉卷三  
論表裏卷四論陰陽卷五論治法卷六論傷寒  
傷風熱病中暑等名卷七論痰證卷八論發熱  
卷九論惡寒卷十論結胃與痞卷十一論咳逆  
卷十二十三論藥證并藥方加減法卷十四十  
五載雜方卷十六論婦人傷寒卷十七論小兒

傷寒卷十八論小兒瘡疹上稽伊尹湯液之論  
下述長沙經絡之文設爲問答剖析精奧誠活  
人之津梁也直齋書錄解題著錄十八卷與此  
本合郡齋讀書志及進表皆云二十卷未詳孰  
是

傷寒九十論一卷

舊抄本

得之四美堂書坊

宋許叔微撰先列病證後論治法剖析精微俱  
中竅要非通神造妙者不能爲也是書諸家書  
目俱未著錄伏讀

欽定四庫全書總目云叔微書屬辭簡雅不諧於俗  
故明以來不甚傳布是則因傳本稀少故藏書  
家俱未見歟陳振孫曰叔微有傷寒治法八十  
一篇未知卽此書否

類證增注傷寒百問歌四卷

元至大刊本

得之四美堂書坊

宋建寧府通守錢聞禮撰前有至大己酉武夷  
詹清子子敬序前一卷爲傷寒解惑論宋龍溪  
隱士湯尹才撰前有乾道癸巳自序後有淳熙  
壬寅韓玉跋是書宋史藝文志文淵閣書目俱



著錄分九十三類每類括以七言歌訣以便記誦注極詳核治傷寒者以是書為指南也可

新刊圖解素問要旨論八卷

影元抄本 從何夢華先生藏元刊本影寫

金劉守真撰前有自序及馬宗素序分九篇曰彰釋元機曰五行司化曰六化變用曰抑沸鬱發曰元相勝復曰六步氣候曰通明形氣曰法明標本曰守正防危序後有云今求到河間劉守真先生親傳的本仍請明醫之士精加校定繡木以廣其傳云云蓋錄梓者所識也焦氏經

籍志述古堂書目俱著錄

鍼灸四書八卷

影元抄本

得之遵古堂書坊

元竇桂芳編桂芳字靜齋建安人前有至大辛

酉自序是書文淵閣書目著錄凡四種一曰流

注指微鍼賦金何若愚撰閩明廣注前有明廣

序若愚明廣仕履俱未詳案序云近有南唐地名

何公撰指微論又云近於貞元癸酉收何公所

作指微鍼賦貞元癸酉金海陵王貞元元年也

則若愚明廣俱金人可知賦後即附明廣子午

流注鍼經合三卷一曰鍼經指南一卷金竇傑撰傑字漢卿肥鄉人前有元貞乙未燕山朱良能及無名氏兩序後有漢卿流注指要賦序宋金時有兩竇漢卿同時同名同字而且同以醫顯金之漢卿仕至太師卽撰鍼經指南者宋之漢卿隱居不仕卽竇桂芳之父也一曰黃帝明堂灸經前有無名氏序凡三卷一曰灸膏肓腧穴法一卷宋莊綽季裕撰後有建炎二年綽自序宋史藝文志著錄合四種爲鍼灸四書凡八

卷桂芳序後有皇慶壬子中元燕山活濟堂刊兩行

衛生寶鑑二十四卷補遺一卷

明永樂刊本  
四美堂書坊

得之

元羅天益撰天益字謙甫藁城人前有上東垣先生啟至元辛巳鄆城硯堅至元癸未汲郡王惲兩序及永樂十五年胡廣楊榮金幼孜蔣用文等重刊序後有吳郡韓夷鉉梓跋謙甫受業東垣蓋升其堂而入其室者是書也立論必本於素難制方不泥於一偏採摭李氏精確之論

益以諸家之說而以己意彙括之實爲醫家至  
要之書卷一至三日藥誤永鑑者知前車之覆  
恐後人蹈之也卷四至二十日名方類集者古  
今之方擇之已精詳而錄之使後人有所據依  
也卷二十一曰藥類法象者氣味厚薄各有所  
用證治增損欲後人信之也卷二十二至二十  
四曰醫驗紀述者遇如是病用如是藥獲如是  
效使後人慎之也其用心也可謂勤且至矣文  
淵閣書目焦氏經籍志傳是樓書目俱著錄後

附補遺一卷述外感傷寒等證疑卽韓夷增葺  
者

活幼心書三卷

元至元刊本

得之四美堂書坊

元曾世榮撰世榮字德顯一字育溪衡州人前  
有至元甲午自序及泰定丁卯和尼赤天歷己  
巳廉公亮元貞乙未吳剛中羅宗之四序德顯  
業醫三十年古今醫書讀之殆遍取其平日閱  
證用藥之已效者著爲方論纂爲詩歌名之曰  
活幼心書上卷曰決證詩賦凡七絕七十四篇

賦一篇中卷曰明本論自胎寒至小兒常安凡  
四十三論又拾遺八則下卷曰信效方分子卷  
四曰湯散門曰圓膏門曰丹飲門曰金餅門門  
各一卷又拾遺十四方古今言幼科者是書其  
集大成歟文淵閣書目焦氏經籍志俱著錄錢  
氏補元史藝文志云二卷蓋未見足本也

瑞竹堂經驗方五卷

元刊本

得之四美堂書坊

元薩里彌實撰前有王都中序從 文瀾閣傳  
抄本補錄原十五卷 四庫全書著錄五卷蓋

從永樂大典錄出重編者此本尙是元槧與  
閣本頗有異同存卷四至卷八五卷

類編南北經驗醫方大成十卷

元刊本  
堂書坊

得之四美

元孫允賢撰前有題識云醫方集成一書四方  
尙之久矣本堂今得名醫選取奇方增入孫氏  
方中名曰醫方大成重新繡梓以廣其傳  
天文算法類

新儀象法要三卷

影宋抄本

舊藏

宋蘇頌撰前有進書狀未有乾道壬辰九月九

日吳興施元之刻本于三衢坐嘯齋兩行

寶祐四年會天歷一卷 影宋抄本 得之郡城顧氏

宋荆執禮等算造具注頒行後列荆執禮楊旂

相師堯譚玉鄧宗文李輔卿等六人銜名末附

朱竹垞 彝尊跋

天文會元占二十卷 舊抄本 得之四美堂書坊

不著撰人名氏原書卷數無考今存三垣及畢

觜參井尾箕斗牛須女虛危鬼柳星張翼十六

宿共二十卷是書諸家書目無著錄者惟天一

閣書目有天文會元十二冊未知卽此書否中

引景祐新書乾象通鑑增廣天文考異宋天文

書惟乾象通鑑尙有傳本餘俱久佚藉此得考

見大畧疑是宋元人舊帙宜珍秘之

數書九章十八卷 善抄本 城周氏 脈望館藏書 得之郡

宋秦九韶撰前有淳祐七年自序 四庫全書

著錄本係從永樂大典錄出者此則原本也後

附趙清常 琦美跋

術數類

太元集注十卷

影宋抄本

得之四美堂書坊

宋司馬光注前有讀元一篇集漢宋衷解詁吳

陸績釋文晉范望解贊唐王涯注經及首測宋

宋惟幹通注陳漸演元吳秘音義七家為此書

凡三十年始成後四卷則襄陵許翰所注也仿

韓康伯注繫辭例合溫公書為十卷末附明徐

禎卿等題識

譙子五行志五卷

抄本

從陳君子準藏舊抄本傳

唐濮陽夏撰新唐書藝文志著錄言天文占驗

事讀書敏求記曰譙子不知何時人殆未之詳  
考歟

人倫大統賦二卷

文淵閣傳抄本

金張行簡撰元薛延年注前有皇慶二年延年

序

藝術類

廣川畫跋六卷

舊抄本

得之四美堂書坊

宋董道撰後有至正乙巳孫道明跋

譜錄類

抄本 得之四美堂書坊

宋蘇易簡撰前有東海徐鉉序後有雍熙三年自序卷一列仙傳條下脫四十二條卷二毛穎傳下脫魏傅公選筆銘卷三張彭祖條下脫九條其餘闕文譌字約有二百八十餘處從何君夢華藏霍夢山房振綺堂兩抄本校補

雜家類

呂氏春秋二十六卷 影宋抄本 得之郡城周氏

漢高誘注前有誘序目錄後有鏡湖遺老記末

有題識云天啟三年冬十月借絳雲樓宋本抄  
白虎通德論十卷 元大德刊本 天籟閣藏書 得之郡城黃氏

漢班固撰前有大德九年東平張楷大德乙巳東平嚴度兩序并無名氏跋案是書為無錫州守劉公平父錄梓或即平父所識歟目錄後又有題辭云敬以家藏監本刊行是則平父所識無疑跋中論不敢收迎子劉一事云班固漢人去古未遠必有所祖假借通用未可盡知後人未得班固之心安可輕議班固之述作云云誠

哉是言亦可見其篤信好古謹慎不苟矣漢時

尚書立學官者凡四家曰歐陽氏曰大夏侯氏

曰小夏侯氏曰古文尚書古文尚書東漢未立學官止選高才生講

習師承各守訓解多岐至字句之異同見於釋

文諸書者蓋難枚舉安知四家中不有作迎子

劉者古書散亡百不存一敢據今日所見之本

為定耶明遼陽傅鑰本改迎子劉為迎子釗并

刪去此跋以後吳瑄程榮何允中胡文煥鍾惺

諸本俱襲其謬沿誤至今不特無一人糾正且

有以不改劉字為過於拘泥者于此益歎平父之卓識為不可及也後附黃蕘圃先生跋

近事會元五卷舊抄本 得之郡城顧氏

宋李上交撰前有嘉祐元年自序

容齋隨筆十六卷續筆十六卷三筆十六卷四筆十

六卷五筆十卷明會通館活字本 得之西山堂書坊

宋洪邁撰隨筆前有嘉定壬申臨川何異序及

宏治八年錫山華燧序續筆三筆四筆前俱有

自序五筆後有嘉定壬申上櫛嘉定十五年邁



姪孫伋兩序紹定二年臨川周謹重刊跋板心上有宏治歲在旃蒙單闕八字下有會通館活字銅版印八字

古今考三十八卷

明正德刊本

舊藏

宋魏了翁撰元方回續前有了翁及回自序後有至正二十年周南後序

封氏見聞記十卷

舊抄本

得之遵古堂書坊

唐封演撰

却掃編三卷

先君子手抄本

宋徐度撰卷末有題識云門生迪功郎桂陽軍司法參軍徐杰校正後有嘉泰壬戌金華邵康跋

困學齋雜錄一卷

文瀾閣傳抄本

元鮮于樞撰

玉堂嘉話八卷

舊抄本

得之鄆城顧氏

元王惲撰前有至元戊子自序 文瀾閣本卷

八頗有闕文是本完善無缺舊抄之可貴以此

紺珠集十三卷

明天順利本

得之四美堂書坊

不著撰人名氏前有紹興丁巳王宗哲序及天

順庚辰錢塘賀榮序

類說五十卷 舊抄本 秦西巖藏書 得之四美堂

宋曾慥撰前有紹興六年自序及寶慶丙戌古

杭葉岑錄梓序

皇朝事實類苑六十三卷 舊抄本 得之西山堂書

宋江少虞撰前有紹興十五年自序

仕學規範四十卷 明刊本 得之四美堂書坊

宋張鎡撰前有淳熙丙申自序

續談助五卷 抄本 從韻溪兄藏阜山人手鈔本影

宋伯宇 姓編 凡十洲記洞冥記琵琶錄北道刊

誤志乘輶錄文武兩朝獻替記牛羊日歷聖宋

掇遺沂公筆錄竹譜筍譜硯錄三水小牘漢武

故事漢武內傳殷芸小說大業雜記營造法式

綠珠傳膳夫經合二十種每種後俱有跋是書

無撰人名氏惟於乘輶錄牛羊日歷漢武內傳

營造法式跋中知為伯宇所編耳又惟於十洲

記跋中知伯宇為崇寧時人曾權陳雷縣尉耳

若伯宇之爲名爲字及其姓氏爵里則均無可考矣所採如北道刊誤志大業雜記琵琶錄乘輶錄等書今皆失傳其存於今者如十洲記洞冥記漢武內傳漢武故事之類亦多與今本不同俱足以資考訂文淵閣書目著錄列之古今志中殆以開卷係十洲記故誤以爲地志歟後附嘉靖壬戌皇山人姚咨跋

類書類

藝文類聚一百卷

蘭雪堂活字本

舊藏

唐歐陽詢撰前有自序每卷末有蘭雪堂華堅活字板印行圖記

原本北堂書鈔一百六十卷

抄本 從吳心葵先生藏舊抄本影寫

唐虞世南撰此本係永興原本未經陳氏增刪

竄亂者分甲乙丙丁戊己庚辛壬癸十冊卷一百三十九車總裁篇卷一百五十八至一百六十穴泥沙石四篇俱係大字無注與全書異陳氏改從一例立題分注遂使原本面目不復可識且所增補或羸入五代十國事更失限斷藏

書家每以不得一觀原書爲恨今細核陳氏之書大約原書所引之句與題不甚協者則刪絕無文義可通者則刪其書人人習讀無所用注者則刪其書世無傳本不復可校者則刪或改引他書如謝承袁山松等後漢書則改引范蔚宗書十八家晉書則改引房元齡書是也有原本正文而改作小注者有原本小注而改作正文者有陳氏所增而未注補字者有原書所有陳氏稍加增改而注補字者攙亂刪改不可枚

舉讀書敏求記云今行北堂書鈔爲吾鄉陳抱中所刻攙亂增改惜無從訂正聞嘉禾收藏家有原書蒐訪十餘年而始得朱竹垞大唐類要跋云書賈有以大唐類要求售者反覆觀之卽北堂書鈔也今世所行出常熟陳禹謨刪補盡失其舊儲書者多藏之而原書罕覩矣

欽定四庫全書總目云北堂書鈔明陳禹謨校刻明人好增刪古書逞臆私改其庸妄無識誠有如錢朱二氏所譏然今嘉禾舊本及大唐類要均

已不可得見獨禹謨此本猶存其增加各條幸  
皆注明補字猶有蹤跡可尋惟其所改所刪遂  
竟不可考是則刊刻之功不贖其竄亂之過矣  
蓋是書自

國初已極貴重今又更百七十年日久日微幾成  
斷種合浦之珠豐城之劍不足比其珍貴也舊  
抄本有曹棟亭印記前有郡齋讀書志等四則  
後題嘉靖丙午六月十二日五川居士在萬卷  
樓記蓋楊夢羽藏書後歸曹棟亭者

太平御覽一千卷

舊抄本 舊藏

宋李昉撰

事物紀原十卷

校宋本 坊

致爽閣藏書

得之四美

宋高承撰前有正統十二年南昌閣敬成化八  
年成安李果兩序每卷俱有毛褒子晉圖章或

卽褒手校歟

實賓錄十四卷

文瀾閣傳抄本

宋馬永易撰

帝王經世圖譜十六卷

文瀾閣傳抄本

宋唐仲友撰前有嘉泰元年周必大序

歷代制度詳說十二卷 舊抄本 得之四美堂書坊

宋呂祖謙撰

源流至論前集十卷後集十卷續集十卷別集十卷

元延祐刊本 得之學餘堂書坊

宋林駟撰前有嘉熙丁酉三山黃履翁序目錄

後有延祐丁巳孟冬圓沙書院刊行兩行別集

宋黃履翁撰前有自序

玉海二百卷附辭學指南四卷 元刊本 舊藏

宋王應麟撰前有至元三年浙東道宣慰使司

都元帥府牒及至元四年東陽胡助至正十一

年阿殷圖至正辛卯王介李桓四序

增廣分門類林雜說十五卷 舊抄本 吳方山藏書 得之邵城顧氏

金玉朋壽撰朋壽字魯老平陽人前有大定己

酉自序分一百門始孝行終禽獸蟲魚每門各

繫以贊其自序曰傳記百家之學散漫不倫難

於統紀前賢有區別而為書號曰類林者其來

尚矣惜次第失序門類不備予因暇日輒為增

廣較之舊書多至三倍云云案新唐書藝文志  
 有于立政類林十卷崇文總目同中興書目云  
 唐于政立類林十卷分五十日記古人事迹見  
 海則朋壽此書或因于氏原本增廣歟宜其徵  
 引古籍多有他書所未載者不僅如讀書敏求  
 記所舉眉間尺一事也原書十卷今本十五卷  
 序云多至三倍者蓋言三分之中多一分耳述  
 古堂書目云王朋壽增補陽休之類林十五卷  
 案北齊書陽休之傳云休之著文集三十卷又

撰幽州人物志並行于世未載其著有類林隋  
 志新舊唐書志亦俱無陽休之類林遵王非率  
 爾下筆者或別有據是書文淵閣書目著錄近  
 則久無傳本此本係吾郡吳方山舊藏尙是明  
 初人鈔本中遇堯字睿宗諱皆缺筆陳君子準藏  
 有金刊本明秀集注堯字亦皆缺筆版式亦畧  
 相似則此本殆從大定刊本影寫歟

新編古今姓氏遙華韻九十六卷抄本 從天一閣  
舊抄本 影寫

元洪景修撰景修字進可臨川人前有至大元

年自序及至大三年程鉅夫至大元年晏性仁  
兩序是書以姓繫韻凡甲集十卷乙集十卷丙  
集十一卷丁集十卷戊集十一卷己集八卷庚  
集十卷辛集十卷壬集八卷癸集十卷共一千  
一百八十九姓忠臣孝子義夫烈女相業將畧  
家法官箴有益民彝世教者必加詳錄其名賢  
詩文及風流逸事可資談助者亦間及焉戊集  
王姓末附載董更生王烈女傳一篇備錄全文  
與全書體例不符是蓋褒揚忠烈俾後世知宋

社淪亡抗節捐生者自文文山謝疊山諸人外  
宮禁中尙有一王烈女其人也而賣國降臣如  
傳中所列張晏然陳奕范文虎輩讀之亦可少  
愧矣是殆洪君微意所在故特表出之洪君自  
題臨川布衣意者入元不仕以勝國遺民終歟  
其所引元和姓纂多有出今本外者是亦足資  
參考也文淵閣書目著錄

小說類

北夢瑣言二十卷

精抄本  
城周氏

述古堂藏書

得之郡



宋孫光憲撰前有自序後附至正甲辰孫道明跋

東齋紀事五卷補遺一卷 文瀾閣傳抄本

宋范鎮撰前有自序

蘇魏公談訓十卷 抄本 從子謙姪藏舊抄本傳錄

宋蘇象先撰述其祖魏公頌遺訓分二十六類

凡三百餘事前有自序後有紹熙癸丑濟南周

泌跋直齋書錄解題著錄

續世說十二卷 抄本 從照曠閣影宋本傳錄

宋孔平仲撰前有紹興戊寅長沙秦果序是書

直齋書錄解題宋史藝文志俱著錄取宋齊梁

陳隋唐歷代事迹依劉義慶世說之目而分隸

之為書十二卷後有沅州公使庫總計紙板數

目并印造紙墨標楷工食錢數目後又有右廸

功郎司法兼監使庫翁灌等五人銜名皆沅州

官也王士禎居易錄曾載是書云已失傳近代

儲藏家亦罕有著錄者此本叔父介何君夢華

從宋刊本影寫金吾從之傳錄者

續墨客揮犀十卷

舊抄本 城周氏

葉石君藏書

得之郡

宋彭乘撰直齋書錄解題云墨客揮犀十卷續

十卷不知名氏述古堂書目云彭乘續墨客揮

犀十卷伏讀

欽定四庫全書總目云墨客揮犀商濬刻入稗海題

彭乘姓名蓋以書中自稱名爲據而止有十卷

則已佚其續集矣此本係明人舊抄亦希觀之

書也

古杭雜記四卷

精抄本

舊藏

元李有撰

穆天子傳六卷

舊抄本

得之郡城周氏

晉郭璞注前有荀勗序序首有結銜五行云侍

中中書監光祿大夫濟北侯臣勗行一領中書令

議郎上蔡伯臣嶠言部行二祕書主書令史譴勳

給行三祕書校書中郎張宙行四郎中傅瓚校古文

穆天子傳已訖謹並第錄行五世行本無此五行

案史記索隱引穆天子傳目錄云傅瓚爲校書

郎與荀勗同校定穆天子傳蓋卽指此

釋家類

釋迦譜十卷

明支那本

得之遵古堂書坊

齊釋僧祐撰前有自序述釋迦降胎至分塔披經按記原始要終為譜記十卷三十四篇每篇俱注明出某經以示述而不作云

高僧傳十四卷

舊抄本

得之四美堂書坊

梁釋慧皎撰前有自序採自漢至梁六代高僧分為十科曰譯經曰義解曰神異曰習禪曰明律曰遺身曰誦經曰興福曰經師曰唱導凡二

百五十七人

釋迦方志三卷

明支那本

得之遵古堂書坊

唐釋道宣撰前有自序分八篇曰封疆曰統攝曰中邊曰遺跡曰游履曰通局曰時住曰教相集古今佛道論衡實錄四卷續集一卷

明支那本  
得之遵古堂

書坊

唐釋道宣撰智昇續前有自序集漢至唐佛道角試論辨事

大唐三藏法師傳十卷

明刊本

得之遵古堂書坊

唐釋慧立撰彥悰箋前有彥悰序卷一至五紀

元奘西游所歷諸國卷六至十紀元奘西歸自

貞觀十九年入西京至麟德元年捨化其間崇

奉恩禮并備載詔敕碑記經序謝表書啟等文

集沙門不應拜俗等事六卷 明支那本 得之遵古堂書坊

唐釋彥悰撰前有太原王隱容序集東晉至唐

議沙門不應拜俗等文凡詔勅表狀書啟論議

答難按代編載分三篇曰故事篇明隋以上沙

門致敬等事也曰議不拜篇明沙門不應拜俗

也曰議拜篇明沙門應致拜也

紹興重雕大藏音三卷 明支那本 得之遵古堂書坊

宋釋處觀撰前有元祐九年柳豫序以唐韻集

韻郭遂大藏音為本凡傳寫破體皆為辨正始

人部終雜部凡一百七十四部

辨偽錄五卷 明支那本 得之遵古堂書坊

元釋祥邁撰前有至元二年自序辨老君化胡

成佛經及八十一圖之偽

道家類

道德真經傳四卷

抄本

從道藏本傳錄

唐陸希聲撰前有自序大意謂老氏之道同於  
夫子故夫子嘆為猶龍從之問禮無間然後世  
不能通其意妄為區別致其道不甚顯於世此  
注者之罪也因作此傳以發明其指歸雖未免  
援儒入墨然探本窮源研幾索隱推性命之極  
闡道德之奧俾老子微言大義昭昭然與聖人  
之道同符是亦老氏之功臣矣故錄存之

列子八卷

山刊本坊

季滄葦藏書

得之遵古堂書

晉張湛注前有湛序

南華真經新傳二十卷

善抄本

得之四美堂書坊

宋王雱撰前有自序及無名氏刊板序

文子續義十二卷

善抄本

得之四美堂書坊

宋杜道堅撰前有自序及至大三年吳全節至  
大庚戌黃石翁兩序 四庫全書著錄本係從  
永樂大典錄出者缺道原九守道德上仁上禮  
五篇此則舊抄足本也

愛日精廬藏書志卷三終



